

S'AVIÉ VINT AN

Pichot enfant, soun douço ti caresso ;
Dins toun regard i'a jamai d'amaresso,
Pichot enfant ;
E quand, mignot, sus ti gauto poulido,
Fau un poutoun, me dises, entre-foulido :
« S'avié vint an !... »

Pichot enfant, quand ta bouqueto fino
Vèn se pausa sus moun front que se clino,
Pichot enfant,
Me dise alor, urouso e pensativo :
« Ah! Dins moun cèu i'aurié plus ges de nivo,
S'avié vint an !... »

Pichot enfant, quand de ta voues tendrino
Me dises : *t'ame !...* alor, dins ma peitrino,
Pichot enfant,
Moun cor tresano, e iéu, adoulentido,
Dise en plourant : « Magradarié la vido,
S'avié vint an !... »

Pichot enfant, d'abord que de la terro
Ai avans tu chaupi li draio fèro,
Pichot enfant,
Te marcarai la routo la plus bello...
Pèr te guida, moun cor sara l'estello
De ti vint an.

Antounieto De Bèu-Caire